

KINGDOM WOK BLONG YUMI

NOVEMBA 2011

WIK WE I STAT LONG NOVEMBA 14

Singsing 49 Mo Prea

❑ Baebol Stadi Blong Kongregesen: gt japta 62 (25 minit)

❑ Tiokratik Skul:

Baebol riding: Prija 1-6 (10 minit)

N. 1: Prija 6:1-12 (no bitim 4 minit)

N. 2: ?Fasin Nogud We i Stap Kam Antap Bigwan Moa, i Soemaot Wanem?—rs-E pej 237 ¶1-2; rs-F pej 92 ¶1-2 (5 minit)

N. 3: ?From Wanem Ol Tru Kristin Oli Folem Ol Tok Long Rom 12:19? (5 minit)

❑ Miting Blong Kingdom Wok:

Singsing 127

5 minit: Ol mesej.

15 minit: ?Yu Yu Glad Taem Yu Gat 'Janis Blong Givhan' Long Narafala? Wan elda i mekem tok ya we i stanap long Wajtaoa blong Novemba 15, 2011, pej 22-23 (Franis mo Inglis).

15 minit: "Yumi Mas Putum Wota Long Ol Sid Blong Trutok." Kwestin mo ansa. Long en blong haf 3, wan pablica i go long stej mo i toktok long hem wan. Hem i stap rerem samting we bimbae hem i taalem long visit blong hem. Hem i lukluk ol samting we hem i raetemdaon, mo hem i tingbaot ansa blong kwestin we hem i bin stanemap taem hem i prij long man ya. Mo hem i tingbaot olsem wanem hem i save statem wan Baebol stadi long buk ya *Baebol Tijim*. Tokbaot kwiktaem se wan visit i olsem wanem, folem ol save long *Kingdom Wok Blong Yumi* blong manis Disemba 2006, pej 3, haf 7 (buk ya *Organized*, pej 85 haf 3).

Singsing 98 Mo Prea

Yumi Mas Putum Wota Long Ol Sid Blong Trutok

¹ Taem yumi planem sid long garen, yumi mas putum wota long hem blong i gru. Hemia i sem mak long sid blong trutok we yumi planem long hat blong ol man long ples blong yumi. (1 Kor. 3:6, NW) Sipos yumi wantem se sid ya i gru gud, yumi mas gobak blong luk olgeta, mo yumi yusum Baebol blong givhan long olgeta. Hemia i olsem we yumi putum wota long ol sid long garen.

1. ?Wanem samting we yumi putum wota long hem blong i gru?

² **Yu Askem Wan Kwestin:** Taem yu rerem toktok we bimbae yu talem long man, i gud yu tingbaot wan kwestin we i save pulum tingting blong hem. Yu save askem kwestin ya long en blong storian blong yu, mo yu talem strel taem we bimbae yu gobak blong ansa long kwestin ya. Plante oli luk se i gud blong askem kwestin we i stanap long wan save long buk ya *Baebol Tijim*. Long rod ya, bimbae i isi blong oli soemaot long man olsem wanem blong stadi long Baebol.

³ **Yu Raetemdaon Sam Samting:** Taem yu lego haos blong man we yu storian wetem hem, yu telem smol taem blong raetemdaon sam samting, olsem nem mo adres blong hem. I gud tu blong raelem dei mo taem we yu toktok long hem, samting we yutufala i tokbaot, mo buk we yu givim long hem. ?Olsem wanem? ?Hem i talem se hem i gat wan skul finis? ?Hem i gat pikinini? ?Hem i tokbaot sam samting we hem i wantem save moa long olgeta, no sam samting we i wari long olgeta? Ol save ya bimbae i givhan long yu blong yu tokbaot ol samting we hem i ting se oli impoten, taem yu gobak blong luk hem. Mo tu, yu raetemdaon wanem dei we yu yu agri blong gobak, mo kwestin we bimbae yu ansarem.

4 Yu Mas Gat Strong Tingting Blong Gobak: Setan bimbae i traehad blong "tekemaot tok ya" we yu putum long hat blong man, mo bimbae hem i no spel. (Mak 4:14, 15) Taswe, sipos yu gobak blong luk wan man we i wantem save moa be hem i no stap, yu no mas lego hem. Yu save raetem wan leta long hem, no yu save raetem wan smol not mo putum aninit long doa. Wan paenia i stap prij mo i statem Baebol stadi long wan woman taem tufala i stanap long doa nomo. Be taem hem i gobak blong luk woman ya, hem i no faenem hem. Ale, hem i raetem wan leta long hem. Biaen, paenia ya i faenem woman ya bakegen, mo woman ya i talem se samting we paenia i mekem, i tajem hat blong hem bigwan. Sipos yumi putum wota long sid blong trutok, yumi save glad taem sid ya i gru, i kam bigwan, mo i karem frut. "Sam long olgeta oli gat olsem toti frut, mo sam oli gat olsem sikisti frut, mo sam oli gat olsem handred frut."—Mak 4:20.

2. ?Yu save mekem wanem blong rerem tingting blong man from samting we bimbae yu tokbaot nekis taem?

3. ?Wanem sam samting we yu save raetemdaon afta we yu prij long wan man?

4. ?From wanem yumi mas gat strong tingting blong gobak blong visitim ol man we oli wantem save moa?

WIK WE I STAT LONG NOVEMBA 21

Singsing 53 Mo Prea

❑ Baebol Stadi Blong Kongregesen:

gt japta 63 (25 minit)

❑ Tiokratik Skul:

Baebol riding: Prija 7-12 (10 minit)

N. 1: Prija 9:13–10:11 (no bitim 4 minit)

N. 2: Man We i Stap Lavem Man i No Save Jalus —1 Kor. 13:4 (5 minit)

N. 3: ?Saen Blong Oi Las Dei i Mekem Wanem Long Oi Tru Kristin?—rs-E pej 238 ¶2-3; rs-F pej 93 ¶1-2 (5 minit)

❑ Miting Blong Kingdom Wok:

Singsing 83

10 minit: Oi mesej. Ansa Long Wan Kwestin. Wan tok.

15 minit: Trabol We Oli Kasem i Givim Witnes. (Luk 21:12, 13) Tok wetem sam kwestin mo ansa we i stanap long 2011 Yearbook, pej 153, haf 1; pej 179, haf 1-2; mo pej 203, haf 2, kasem en blong pej 204. Askem long olgeta we oli lesin blong oli talem samting we oli lanem long ol stori ya.

10 minit: **Buk We Yumi Seremaot Long Manis Disemba.** Tok wetem sam kwestin mo ansa. Tokbaot sam haf long buk ya we yumi seremaot, mo yusum wan no tu fastok we i stap blong mekem pleplei.

Singsing 35 Mo Prea

ANSA LONG WAN KWESTIN

■ **?Hu i mas fulumap smol bokis long ol buk blong yumi mo long Intenet, blong askem wan buk no wan Baebol stadi?**

Long ol buk blong yumi, plante taem i gat wan smol bokis we man i save raetem nem mo adres blong hem long hem, mo sanem i go long branj ofis. Smol bokis ya i blong askem wan buk no wan Baebol stadi. Mo tu, ol man oli save go long Web saet blong yumi, www.watchtower.org blong askem wan Baebol stadi. Ol rod ya oli givhan long plante man blong oli kasem trutok. Be problem i kamaot taem ol pablisa oli yusum ol rod ya blong askem sam buk, mo blong askem Baebol stadi blong ol famle mo ol fren blong olgeta.

Samfala oli komplen taem branj ofis i sanem wan buk long olgeta we oli no askem nating. Oli talem se ogenaesesen blong yumi i fosem olgeta tumas. Mo oli ting se yumi holem nem blong olgeta long wan lis blong ol man we yumi stap sanem buk long olgeta. Ol pablisa tu oli save sem taem oli mas go luk wan man we i no askem blong wan i go visitim hem, nao man ya i tok kros long olgeta. From samting ya, ol man we oli

wantem save moa long ol buk blong yumi, olgeta nomo oli mas raetem nem mo adres blong olgeta long smol bokis ya no long Web saet blong yumi, be i no ol pablisa. Taem branj ofis i faenemaot se wan pablisa i raetem nem mo adres blong narafala man long smol bokis ya, plante taem oli no sanem wan pablisa blong i go luk man ya.

Ale, ?yumi save mekem olsem wanem blong givhan long wan famle no wan fren blong i kasem trutok? Sipos yu wantem se hem i kasem wan buk, maet i gud yu nomo yu sanem i go long hem olsem wan presen. Maet hem i talem se hem i wantem save moa, mo i wantem se ol Witnes oli go luk hem, be yu yu no save wan rod blong toktok wetem ol elda blong kongregesen long ples blong hem. Long taem olsem, yu mas fulumap smol pepa ya *Please Follow Up* (S-43) mo givim long sekretari blong kongregesen blong yu. Hem bambae i jekem pepa ya mo i sanem i go long branj ofis. Be sipos man ya we i wantem save moa i stap long kallabus, long hospital, no long wan narafala ples olsem, yu no mas askem long branj ofis blong i sanem wan pablisa i go luk hem. Be yu save talem long hem blong i toktok long ol brata taem oli go prij long ol ples ya, no blong hem wan i raet i go long branj ofis.

WIK WE I STAT LONG NOVEMBA 28

Singsing 26 Mo Prea

❑ Baebol Stadi Blong Kongregesen:

gt japta 64 (25 minit)

❑ Tiokratik Skul:

Baebol riding: Sing Blong Solomon 1-8 (10 minit)

N. 1: Sing Blong Solomon 1:1-17 (no bitim 4 minit)

N. 2: ?From Wanem Ol Witnes Blong Jehova Oli Talem Se Ol Las Dei Oli Stat Long 1914?—rs-E pej 239 ¶2—pej 240 ¶1; rs-F pej 94 ¶2—pej 95 ¶1 (5 minit)

N. 3: ?Wanem Ol Fasin We i Save Pulum Ol Narafala Blong Respektem Yumi? (5 minit)

❑ Miting Blong Kingdom Wok:

Singsing 118

10 minit: Ol mesej. Wan pablisa i yusum fastok long pej 4, blong soemaot olsem wanem blong statem wan Baebol stadi long fas Sareda blong manis Disemba. Pulum evriwan blong oli joen long wok ya.

15 minit: "Bigfala Fasin We Wan Gudfala Tija i Mas Gat." Kwestin mo ansa. Ating samfala long kongregesen oli bin gohed gud long trutok from we tija blong olgeta i soemaot se hem i lavem olgeta. Askem long olgeta blong oli tokbaot samting we hem i mekem.

10 minit: Sam Tingting Blong Seremaot Magasin Long Manis Disemba. Tok wetem sam kwestin mo ansa. Long wan no tu minit, tokbaot sam haf we oli stap long ol magasin, we oli save pulum tingting blong ol man. Biaen, jusum ol fas stori long *Wajtaoa*, mo askem long olgeta we oli stap lesin blong oli talem sam kwestin we oli save pulum tingting blong man, mo askem wanem vas we oli save yusum. Mekem sem mak wetem ol fas haf blong *Wekap!* Sipos i gat taem, tokbaot wan narafala haf tu long wan long tufala magasin ya. Mekem tu pleplei blong seremaot *Wajtaoa* mo *Wekap!* ya.

Singsing 63 Mo Prea

Bigfala Fasin We Wan Gudfala Tija i Mas Gat

¹ ?Wanem bigfala fasin we i mekem se wan man i kam wan gudfala tija blong Baebol? ?Hem i skul gud? ?Hem i stap plante yia long trutok? ?Hem i gat gudhan blong tij? Bigfala fasin ya, hem i sem fasin we i kavremap olgeta samting we Loa i talem, hem

1. ?Wanem bigfala fasin blong wan gudfala tija?

i sem fasin we i makemaot ol man blong Jisas, mo hem i wan long ol fofala stamba fasin blong Jehova we i hae moa long ol narafala fasin blong hem. (Jon 13:35; Gal. 5:14; 1 Jon 4:8) Bigfala fasin ya hem i lavem Ol gudfala tija oli soemaot se oli lavem ol man.

² **Hem i Lavem Ol Man:** Bigfala Tija ya Jisas, i soemaot long ol man se hem i lavem olgeta, mo samting ya i pulum olgeta blong oli lesin long hem. (Luk 5:12, 13; Jon 13:1; 15:13) Sipos yumi lavem ol man, bimbae yumi tekem evri janis blong prij long olgeta. Sipos ol man oli mekem i strong tumas long yumi mo oli no wantem lesin long yumi, samting ya bimbae i no save blokem yumi. Bimbae yumi soemaot long man we yumi prij long hem se yumi tingbaot hem, mo bimbae yumi mekem se tok blong yumi i joen wetem samting we hem i stap wari long hem. Bimbae yumi glad blong yusum taem blong yumi blong mekem ol Baebol stadi wanwan, be i no heemia nomo. Bifo we yumi go mekem stadi, yumi glad tu blong yusum taem blong yumi blong rerem stadi blong olgeta wanwan.

³ **Hem i Lavem Trutok Blong Baebol:** Jisas i lavem trutok blong Baebol tu, mo hem i tinghae long hem olsem wan sas samting. (Mat. 13:52) Sipos yumi lavem trutok, bimbae yumi glad blong tokbaot trutok ya, mo samting ya i save pulum ol man blong oli lesin long yumi. Lav bimbae i givhan long yumi blong yumi putum tingting i stap nomo long ol nambawan save we yumi stap talemaot. Bimbae yumi no tingting tumas long ol samting we yumi no naif blong mekem. Nao bimbae yumi no fruet blong toktok long ol man.

⁴ **Yumi Mas Traehad Blong Lavem Ol Man:** ?Yumi mas mekem wanem blong yumi save lavem ol man? Yumi mas tingting gud long lav we Jehova mo Pikinini blong hem tufala i soemaot finis. Mo yumi mas tingbaot se ol man long ples blong yumi oli nidi dim trutok. (Mak 6:34; 1 Jon 4:10, 11) Sipos yumi stadi mo tingting dip oltaem, bimbae yumi lavem moa ol trutok blong Baebol. Lav i wan long ol fasin we oli olsem frut blong tabu spirit. (Gal. 5:22) Taswe, yumi save prea long Jehova blong hem i givim tabu spirit long yumi, mo yumi save askem long hem blong i givhan long yumi blong kam strong moa blong lavem ol man. (Luk 11:13; 1 Jon 5:14) Nomata se yumi skul gud no nogat, yumi stap plante yia long trutok no nogat, mo yumi gat gudhan blong tij no nogat, be yumi save karem moa frut long wok blong tij sipos yumi lavem ol man.

2. ?From wanem i impoten tumas we yumi lavem ol man?

3. Taem yumi lavem trutok blong Baebol, ?samting ya i save givhan long yumi olsem wanem long wok blong prij?

4. ?Yumi mas mekem wanem blong yumi save lavem ol man?

WIK WE I STAT LONG DISEMBA 5

Singsing 29 Mo Prea

❑ Baebol Stadi Blong Kongregesen:

gt japta 65 (25 minit)

❑ Tiokratik Skul:

Baebol riding: Aesea 1-5 (10 minit)

N. 1: Aesea 3:16–4:6 (no bitim 4 minit)

N. 2: ?From Wanem Yumi Mas Tingbaot Ol-taem Se Taem i Sot? (5 minit)

N. 3: ?Afta We Rabis Fasin i Lus, Bambae i Gat Man i Laef Yet Long Wol Ya?—rs-E pej 240 ¶2-5; rs-F pej 95 ¶2-5 (5 minit)

❑ Miting Blong Kingdom Wok:

Singsing 111

5 minit: Ol mesej.

10 minit: Sipos Wan Man i Askem Se, ?From Wanem Yufala i No Mekem Lafet Blong Krismas? Tok wetem sam kwestin mo ansa we i stanap long Reasoning buk, pej 176 kasem pej 179, haf 2 (Franis, pej 162, haf 1 kasem pej 165, haf 1). Mekem wan sot pleplei.

10 minit: Lokol nid.

10 minit: Yumi Mas Rere Gud From Wok Blong Prij. Tok wetem sam kwestin mo ansa. Yu save tokbaot ol kwestin ya: (1) ?Yu yu mekem wanem blong rere blong (a) wok blong prij long ol haos wanwan? (b) mekem ol visit? (c) tekem janis blong prij? (2) ?From wanem yumi mas rere gud evri taem we yumi mekem Baebol stadi? (3) ?Yu save mekem wanem blong givhan long Baebol stadi blong yu blong i rerem stadi blong hem? (4) Taem yu yu rere gud, ?samting ya i givhan long yu olsem wanem blong yu harem gud long wok blong prij? (5) ?From wanem Jehovah i glad taem yumi rere gud from wok blong prij?

Singsing 101 Mo Prea

Advaes

■ Buk we yumi seremaot long **Novembra:** Eniwan long ol buklet ya we i gat 32 pej blong hem, we maet i pulum tingting blong ol man long ples blong yu, olsem: ?God i Rili Kea Long Yumi?, ?Wanem i Hapen Long Yumi Taem Yumi Ded?, Taem Wan We Yu Laekem Hem Tumas i Ded, Spirit Blong Ol Dedman—?Oli Save Halpem Yu No Spolem Yu? ?Oli Rili Stap? **Disemba:** Man We i Hae Moa Long Olgeta Man. Sipos yu storian wetem man we i gat pikinini, yu save givim *Buk Blong Ol Baebol Stori. Jenuware:* ?Wanem Samting We Baebol i Rili

Tijim? Yu traehad blong statem Baebol stadi taem yu prij long man. Sipos man i gat buk ya finis, be hem i no wantem stadi, yu save givimaot wan ol-fala magasin no buklet we i pulum tingting blong hem. **Februari:** Ol publisa oli save seremaot buk ya, *Spesel Rod Blong Mekem Famle i Hapi.*

Ol Fastok

Blong Statem Ol Baebol Stadi Long Fas Sarede Blong Manis Disemba

“?Yu yu ting se ol man we oli traehad blong obei long God, oli glad moa? [Yu letem man i ansa.] Magasin ya i tokbaot sam poen we oli pulum tingting blong yumi.” Yu givim *Wajtaoa* blong Disemba 1 long man we yu prij long hem, mo yutufala i ridim mo tokbaot ol save we i stap aninit long wan long ol smol stamba tok long pej 30 mo 31. Yu ridim wan long ol vas we oli stap. Yu askem long hem sipos hem i wantem te-kem magasin ya, mo yu mekem plan blong kam-bak blong tokbaot ansa blong nekis kwestin.

WAJTAOA TALEMAD KINGDOM BLONG JEHOVA® Disemba 1

“Samfala oli ting se tok we Baebol i talem long fasin blong man wetem woman, hem i blong ol man long taem bifomo. Mo oli talem se Baebol i putum tumas tabu long saed ya. Sam nara-fala oli agri wetem samting we Baebol i talem. ?Wanem tingting blong yu? [Yu letem man i ansa.] Vas ya i tokbaot se hu i stamba blong ol loa we oli stap long Baebol. [Yu ridim 2 Timoti 3:16.] Magasin ya i soemaot ansa we Baebol i givim long ten kwestin we plante man oli stap askem, long saed blong fasin blong man wetem woman. Mo hem i eksplenem tu se ol loa blong Baebol oli save givhan long yumi olsem wanem.”

Wekap! Oktoba-Disemba

“Yumi evriwan i wantem gat wan famle we i hapi. ?Yu yu agri? [Yu letem man i ansa.] Baebol i tokbaot wan samting we evriwan long famle oli save mekem, blong famle i hapi: Oli mas folem fasin blong God blong lavem ol man.” Yu ridim Efesas 5:1, 2 mo yu tokbaot magasin ya.

Ol Gudfala Samting Long Ripot Blong Prij

Mifala i glad blong talemaot long yufala se long Niukaledoni yumi kasem tu niufala namba long manis Julae: 1,959 publisa mo 150 fultaem paenia.